

Oslobodženje

12. 01. 2005

Regional connections in the area of education

Ministarstvo obrazovanja i nauke FBiH

Povezivanje regija u oblasti obrazovanja

Što znači projekt *EdGate* - *Interreg III C*? Za javnost je to u utorak objasnio Severin Montina, pomoćnik federalnog ministra za obrazovanje i nauku, na upriličenoj prezentaciji projekta u zgradi Federalnog ministarstva obrazovanja. U osnovi, radi se o međunarodnom projektu čija je prevaga u međuregionalnoj suradnji, a jedno od najvažnijih mjesta u njemu zauzima obrazovanje. Projekt je osmišljen i planiran da bi uvezivao različite regije u EU sa regijama uz granicu s ciljem smanjivanja razlika (ekonomskih i društvenih) i buduće harmonizacije na području cijele Evrope, a obrazovna politika je ona koja će zacijelo utjecati na primjenu regionalnih potreba.

Projekt *EdGate* je počeo prošle godine, zvanično listopada 2004. i trajat će do konca 2007. godine, i uključuje pet komponenti: upravljanje i koordinaciju; regionalnu primjenu; mobilnost i razmjenu; pilot - europski regionalni koledž i širenje - informacije i publikacije.

Za ovaj projekt EU odobrila je 804.837 eura, partneri iz zemalja članica EU 610.155 eura, dok partneri izvan EU trebaju osigurati 95.000 eura (Velika Britanija - Škotska, Češka, Slovačka, Poljska, BiH, Hrvatska, SCG, Rumunjska, Ukrajina, Njemačka). Vodeći partner je Savjet za školstvo grada Beča, a sve se dešava pod pokroviteljstvom Evropskog regionalnog fonda za razvoj.

An. Š.